



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU STRANKE EVROPSKE SOCIJALDEMOKRATIJE

Broj: 03-07-6-752/17  
Sarajevo, 27.07.2018. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Stranke evropske socijaldemokratije za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2016. godinu, utvrđeno je da je Stranka evropske socijaldemokratije prekršila odredbe člana 12. stav (4) i stav (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke evropske socijaldemokratije za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka evropska socijaldemokratija se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	1.460,00	100,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.460,00</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>1.460,00</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 3.767,17 KM.

## 2. PREDSTAVLJANJE POLITIČKE STRANKE

Naziv političke stranke je Stranka evropske socijaldemokratije. Skraćeni naziv je SES.

Politička stranka Stranka za evropsko Sarajevo je registrovana kod Općinskog suda u Sarajevu, rješenjem broj: 065-0-F1-12-000010 od 12.04.2012. godine. Rješenjem Općinskog suda u Sarajevu, broj: 065-0-F1-15-000001 od 26.03.2015. godine upisana je promjena naziva političke stranke, koji glasi: Stranka evropske socijaldemokratije.

Sjedište stranke je u Sarajevu, ulica Azize Šaćirbegović br.122.

Ovlašteno lice za zastupanje stranke je Esad Omerbašić, predsjednik.

Prema podacima iz godišnjeg finansijskog izvještaja za 2016. godinu, Stranka evropske socijaldemokratije nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke evropske socijaldemokratije za 2016. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke evropske socijaldemokratije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim pregleda je bio ograničen iz razloga što stranka nije dostavila dodatnu dokumentaciju.

#### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjih finansijskih izvještaja Stranke evropske socijaldemokratije u periodu od 2012. do 2015. godinu, nakon čega su izdati izvještaji o pregledu.

Nakon izvršenog pregleda godišnjeg finansijskog izvještaja za 2015. godinu, izdat je Izvještaj o pregledu sa mišljenjem revizora i preporukama stranci da podnosi finansijski izvještaj u formi koju je odobrila Centralna izborna komisija Bosne i Hercegovine, da tačno vodi evidenciju o svojim rashodima i da podnosi i dodatne izvještaje koje zatraži Centralna izborna komisija Bosne i Hercegovine.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Stranka evropske socijaldemokratije nije ispoštovala date preporuke.

#### **5. NALAZI I PREPORUKE**

##### **5.1 NALAZI**

**Stranka evropske socijaldemokratije prekršila je odredbe člana 12. stav (4) i stav (5) Zakona o finansiranju političkih stranaka.**

- (1) Stranka evropske socijaldemokratije nije, u skladu sa odredbama člana 12. stav (4) Zakona o finansiranju političkih stranaka i odredbama člana 3. stav (1) Pravilnika o godišnjim finansijskim izvještajima političkih stranaka, godišnji finansijski izvještaj podnijela u elektronskoj formi putem aplikacije „FI CIK BIH” koju je razvila Centralna izborna komisija Bosne i Hercegovine.

Politička stranka je bila dužna da godišnji finansijski izvještaj za 2016. godinu podnese do 31.03.2017. godine u elektronskoj formi, putem aplikacije „FI CIK BIH” i da Centralnoj izbornoj komisiji Bosne i Hercegovine dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

Uvidom u službene evidencije utvrđeno je da stranka nije godišnji finansijski izvještaj za 2016. godinu podnijela u zakonom propisanom roku, pa joj je Centralna izborna komisija Bosne i Hercegovine dana 04.05.2017. godine uputila Urgenciju za podnošenje godišnjeg finansijskog izvještaja za 2016. godinu putem aplikacije „FI CIK BIH”.

Stranka evropske socijaldemokratije nije postupila u skladu sa urgencijom, već je dana 19.05.2017. godine Centralnoj izbornoj komisiji Bosne i Hercegovine dostavila obrasce godišnjeg finansijskog izvještaja za 2016. godinu u pisanoj formi.

- (2) Pregledom godišnjeg finansijskog izvještaja, utvrđeno je da stranka nije u obrascu 1 (opšti podaci o političkoj stranci) navela podatke o sjedištu stranke: adresa, telefon, faks, e-mail adresa i web stranica, identifikacioni broj dobijen od nadležnog poreskog organa, šifru djelatnosti, sud u kojem je izvršena registracija, broj i datum upisa u sudski registar i podatke o ovlaštenom licu za finansijske izvještaje (ime i prezime, adresa i e-mail adresa), čime su prekršene odredbe člana 12. stav (4) Zakona o finansiranju političkih stranaka i člana 9. Pravilnika o godišnjim finansijskim izvještajima političkih stranaka.
- (3) Dana 17.11.2017. godine, Centralna izborna komisija Bosne i Hercegovine je stranci uputila zahtjev za dostavljanje dodatne dokumentacije broj: 03-07-6-752-2/17, kojim je zatraženo da

dostavi: kopiju izvoda sa transakcijskog računa stranke broj: 1320302011596907 kod NLB banke dd Tuzla za period 01.01.-31.12.2016. godine, glavnu knjigu sa kompletnim analitičkim evidencijama stranke za period 01.01.-31.12.2016. godine, dokumentaciju o korištenju poslovnog prostora u 2016. godini, kopiju izdate potvrde o primljenom prilogu pravnog lica koji je iskazan na obrascu 3-b i konfirmacije ili izvode otvorenih stavki na dan 31.12.2016. godine za sljedeća pravna lica-dobavljače: „Logosoft“, „Toplane“ i „Kalman radio”.

Stranka evropske socijaldemokratije nije postupila u skladu sa zahtjevom Centralne izborne komisije Bosne i Hercegovine, odnosno nije dostavila dodatnu dokumentaciju, čime su prekršene odredbe člana 12. stav (5) Zakona o finansiranju političkih stranaka.

## **5.2 PREPORUKE**

*Preporučuje se Stranci evropske socijaldemokratije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa rokovima propisanim odredbama Zakona o finansiranju političkih stranaka i popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

### **KOMENTAR:**

U ostavljenom roku, Stranka evropske socijaldemokratije nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godine.

Šef Odsjeka za revizijske poslove, revizor  
Sanja Tošović

Šef Službe za reviziju  
Mr.sc Hasida Gušić